

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمات علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ايرتسى و چهارشنبه کونلری نشر اولنور. محتویاتی امور عدلیه به متعلقدر

بو یوم مسعدت توأمک شرفلونی بر وسیله متیمنه اتخاذ ایدرک
دعای تمادی عمر و عافیت جهانقیمت ولی نعمت یمنت اعظمی نی تکرار
وتذکار برله من غیر حد عرض و ایفای تسعید کارانه و عبودیتندانه به
جرات و بوصورتله تزیین لسان صداقت ورقیت ایلر .

همان جناب خالق زمین و آسمان ادوار فلکیه مستمر و منازل
برجیه مستقر اولدجه مطلع انوار عدالت و شمس منیر شوکت و خلافت
اولان پادشاهز افندمر حضرتلرینی سریر آرای شوکت و شان ودها
نیجه نیجه دوره یوم ولادت باهرة المیمنت خلافتیناه اعظمیلرینک
مشاهده شرف عالمیهاسیله کافه بندکان وزیر دستان ملوکانه لرینی
مسرور و شادان بیورسون آمین .

« بحرمة سيد الانبياء والمرسلين »



تبلیغات

بولتیقه و سوء قصد و محل آداب عمومی به حرکاتدن ماعدا جرائم عادی ایله
محکوم اولان مجرمیندن در سعادت حبسخانه عمومیسنده محبوس اولوب تلان
مدت جزائیله لرینی اکیل اتمش اولان اوتوز التی کشینک « ولادت هایون
میتممقرون حضرت خلافتیناهی « روز فیروزی حرمتنه اخلاقی سیلیری
و طشره حبسخانه لرنده محکوماً محبوس بولسان بومثللو مجرمینک دخی
عفو عالی جناب پادشاهیدن استفاده ایتک اوزره کیفیتک هر طرفه تلغرافله تبشیری
خصوصنه اراده مراحم معتاده جناب جهانبانی شرفتملق بیورنش و برمنطوق
امر و فرمان هایون اقتضاسنک همان ایفاسی ضمانتده عدلیه نظارت
جلیله سندن ضبطیه نظارت جلیلهسیله در سعادت استیناف مدعی عمومیکنه
تذکره لر تسطیر و طشره محاکم استینافیه سی مدعی عمومیکلرینه ده تلغراف ایله
کیفیت تبلیغ و تبشیر ایدلیدیکی کی در سعادت حبسخانه سنده محبوس اولوب
مظهر عفو عالی اولان مجرمینک ده بوسباح حضوری معتاد اولان ذوات
مواجهه سنده سیلیری تخایه اولنه رق عمومی طرفدن دعای تمادی عمر و اجلال
ولی نعمت یمنت اعظمی تذکار و تکرار قلمشدر .



ولادت هایون میتممقرون حضرت خلافتیناهی

وجود بهبود شاهانه لری بوملک و دولت ایچون بر موهبه مخصوصه
فیض و قدرت اولان ولی نعمت یمنت خلیفه فاروقچاه و شهنشاه معدلت
اکتناه افندمر حضرتلرینک کهواره زیب عالم شهود بیوردقلری
شهر شعبان شریفک اون التنجی کونی رونقبخشای حلول اولغله
اشبو یوم مسعدت توأمده هر فرد عثمانینک وجه صداقتنده لمعان
ایدن نور مسرت و بهجت خارج از تصویر و بیان و بالجمله تبعه
وزیر دستان ملوکانه لرینک اکیال حضور و راحت و استکمال وسائل رفاه
و سعادتلری امرنده ساحه آرای تعاقب و توالی اولان بونجه عنایات
والطاف سنیه جهانبانیلرندن طولاییده دعای ازدیاد عمر و اجلال جناب
خلافتیناه اعظمیلری السنه صداقت و عبودیتده دائم الدوراندر .

سکنه ممالک محروسه المسالك شهریاریلرینی عموماً دلسیر عاطفت
بیوران عدالت سنیه جهانداریلرینک خلاصه آثار باهره سنی نشر
ایتمک خدمتیه مفتخر و مباهی اولان « جریده محاکم عدلیه » دخی

تبلیغه برابر مستعدی مومی الیهده تهنیتی انجمن مذکور دن افاده اولمش و اولوجهل ایجابی اجرا قلمشدر .

محاکمات و مقدمات

محکمه تمیز حقوق دائرهسندن اعطا قاتان ۲ شباط سنه ۳۱۷ تاریخلی اعلامدر :

مرزفون قصبهسنگ خرمناز محلّهسندّه مقیم شینلی زاده بکر اغا ایله قصبه مذکورک حاجی بالی محلهسندّه ساکن کره متجیان مغدیس آغوب اغا بیننده متحدث دعوایه دائر مرزفون بدایت محکمهسندن ۱۲ تموز سنه ۳۱۷ تاریخلی ویکرمی یدی عددی ایله ویریلان اعلام مرقوم بکراغا طرفندن تمیز ایدلکه اعلام مذکور طرفنک اعتراض وجواب لایحهلریله بالمطالعہ تدقیقات تمیزیه اجراسنه ابتداء اولدی .

اعلام مذکورک خلاصه مالی مرقوم آغوب اغانک مرزبور بکر اغا ذمتنده جهت قرضدن برقطه سند موجبیه یدی لیرا التمش چند مطلوبی اولدیغندن بحثله مع فائض تحصیاتی طلب ودعوی ایشم ودعوت واقعیه مدعی علیه مرقوم بکر اغانک عدم اجاتی اوزرینه وکیل مسخر تعینیه عن الغیاب جریان ایدن محاکمه نتیجه سند مذکور یدی لیرا التمش چندک فائضیه بالغ اولدیغی اون بش لیرا اوتوز غروشک مدعی علیهک یمینه تعلیقاً تحصیلنه دائر لاحق اولان اعلام حکمنه مرقوم بکراغا اعتراض ایدرک کندوسی مدعیدن بر کونه آغیه اخذ وسند اعطا ایتوب برادرینک بورجی حواله قبول و برقطه سند ورمش ایسهده اول آغیهنک بر مقدارنی کندوسی ومتبایقینی دخی برادری تأدیه ایلدکنرنی بیان وافاده ایتسی اوزرینه وجاهاً جریان ایدن محاکمه سنددادعاولان سند زیرینه موضوع مهر معترض مرقوم بکر اغانک مهر ذاتیسی اولدیغی ثابت اولسنه بناء اولسایده وقوعولان انکاری شایان قبول کوریه مدیکندن ردیه حکم غیایینک تصدیقه حکمدن ومستعدی تمیز بکر اغانک اشیو حکم علپنده لایحه سندّه محرر خلاصه اعتراضاتی مبلغ مدعاهک بر مقدارنی کندوسی طرفندن ومتبایقینی دخی برادری طرفندن مدعی آغوب اغایه تسلیم ایدیلوب بوباید مرقومک کندور سندن حبه واحده الاجنی اولدیغنی عند الاعتراض دفعاً درمیان ایلدیکی حالده محکمه مذکورجه اشیو

بیوک دردهد ساکنه دولت علیه تبعهسندن فوتنی بنت یانی قادین ذمتنده با حجت شرعیه مطلوبی بولان بکرمی اوچ بیک اوچوز غروشک تأمین استیفاسی ضمنتده مرزبورنک متصرفه اولدیغی بر باب خانسیله آلتنده کائن شرخانّه حصهسی عهده سندّه مرهون اولدیغی کی اخیراً حجاز ایدیلان قوجه طاش نام موقعده کائن اون بش دونم مقداری مع فوندله ق بر قطعه باغک فروختی ایچون علی الاصول مرزبوریه ارسال اولان اخبار نامه اوزرینه کندوسنک درسعادته بولنه میوب آنیه کیندیکی اجرا قاتان تحقیقاندن اکلشامش ووباید خارجیه نظارت جلیلهسندن آنه سفارت سینهسنه بالدفعات اشعار وقوعبولش ایسهده آلتان جوابده مرزبورنک اوراده دخی بولنه مدینی بیان قلمش اولدیغندن بحثله اقامتکاهی مجهول اولنر حقنده کی اصوله توفیقاً تبلیغات قانونیهنک اعلاناً اجراسیله کندوسنک غدردن وقایهسی استدعاسنه دائر دیون عمومیه کتبهسندن جیل بک امضاسیله اعطا قاتان عرضحال ایله اعلامات شرعیه اجرا مأموریت بهسندن اولبالده یازیلان مذکره انجمن عدلیه یدی الحواله مدیونه مرزبورنک عهدهسندّه اولوب دینی مقابلنده مرهون و فروختی محکوم بولان بر باب ملک منزلک حصه معلومهسی اوچوز بش سنهسندّه بالزاید مدت نظامیه نک ختامنده یتش بر لیرا بدل ایله مستعدی جیل بک عهدهسندّه تقرر ایتدیکی حالده مومی الیهک عدم مراجعتیه منی معامله فراغیه اجرا اولنه میوب علی حاله قالمش ومؤخرأ مستعدی مومی الیهک بالمراجعه مرزبورنک آنهده اولدیغی خبر ویرمکه صوکه اخبارنامهک آنه سفارت سینهسی معرفیه مرقومهیه تبلیغه یدی الاستدار کلان جوابده مرقومهنک شهرت وهیچ اولنر ایسه اشکالی بیلدیرلکه معامله تبلیغهنک اجراسی قابل اولمهجهنی بیلدیرلوب مستعدی مومی الیه ایسه مرزبورنک هوقی کندوسنجه مجهول ایدوکی بیان ایدرک مدت مزایدنک ختامندن شمعی به قدردخی اون ایکی سنه مدت مرور ایشم اولسنه نظراً بحجوزک شمیدیکی قیمتیه اون ایکی سنه اولکی قیمتی بیننده کی فرق وتفاوتدن طولانی داین مومی الیهک عدم مراجعتی سببیه اولوقت حکمی اجرا اولنه میان مزایده اوزرینه شمعی معامله فراغیهنک اجراسی جائز اولمهجهندن یکیدن مزایده اجراسی لازم کله جکی کبی هر بر داین کنندی مدیوننک شخص وهوقی وحتی سمت معرفتی بیه تعیین واخباره مجبور اولدیغندن مرزبورنک شهرتی داین مومی الیه تعیین ایتدیرلرک علی الاصول معامله تبلیغهنک اجراسندن صکره مرهونک یکدن مزایدهیه وضعیه تقرر ایدرک بدل ایله طاسی عهده سنه حالهسی لزومنک مأموریت مشار الیهایه

دفعنک نظر دقه آغیه رق محکوم ایدلسی مغایر قانون اولدیغندن اعلامک قضی ولایحه جوابیه مؤداسی دخی اعتراضات مسرودهنک ردیه موافق اصول وقانون اولان اعلامک تصدیقی طلبندن عبارت بولنشدر .

ایجابی مذاکره اولندقدّه اعلام مذکور مطالعه سندن مستبان اولدیغی اوزره مرقوم بکر اغا دینی اولان آغیهنک بر قسمتی کندوسی و دیگر قسمتی دخی برادری تأدیه ایدرک بر کونه بورجی اولمالدیغنی سولیکده اولسنه نظراً محکمهجه مرقومه اشیودفنی علی الاصول اثبات ایتدیرمک وایدهمدیکی وطالب تحلیف اولدیغی صورتده خصمنک امر تحلیفی اجرا قلمق لازمکلوکن محکمهجه بوبولده اجرای معامله ایدلسکسزین حکم اولمشی بولسز ومغایر قانون اولدیغندن اصول محاکمه حقوقیه قانونک ایکپوز اوتوزاکینجی مادهسی موجبیه اعلام مذکورک نقضیه قانون مرزبورک ایکپوز قرق دردنجی مادهسی حکمنه توفیقاً کفیتک اولوجهل بالزویه اعلامه راطی ضمنتده محکمه مذکوریه اعادهسنه ودرتیوزالتی بقی غروش مصارف تمیزیهنک ایلاروده حقسنر چقه جق طرفه عائد اولق اوزره اول امرده مستعدی تمیز بکر اغاندن اخذینه ۲ شباط سنه ۳۱۷ تاریخنده متفقاً قرار ویرلدی .

اصول محاکمات جزاییه قانوننک اوچپوز قرق یدنجی مادهسی حکمنه ونظارت جلیله عدلیه نک یتش ایکی نومرولی امر تحریری عدلیهسنه توفیقاً قضی حاوی محکمه تمیز جزا دائرهسندن اعطا قاتان ۲۱ کانونی ثانی سنه ۳۱۷ تاریخلی اعلامدر :

باش مدعی عمومیک مأموریت بهسندن مع اوراق متفرعه محکمه تمیز جزا دائرهسنه کوندیریلان بکرمی طقوز نومرولی تبلیغنامه مطالعه اولندی .

مذکور تبلیغنامه طولانیدر بلیق مادهسندن طولانی واسیل فوطی نام کیسه حقنده کی تحقیقاتک صلاحیت خارجنده بولدیغنه دائریایه ولایتی مرکز بدایت محکمهسی مستطقلکیله پروژه سنجانجی بدایت محکمهسی مستطقلکیک یمینه حاصل اولان اختلافک بالتدقیق جریان وقوعاته کوره ایشک مرکز ولایت مستطقلکنه عائدیه دائر ولایت مذکور استیناف محکمهسی جزا دائرهسندن ویرلوب محکمه مذکور

جنایت محکمهسندن ویریلان ۱۸ نومرولی اعلام محکمه تمیز جزا دائرهسنجه تصدیق ایدلشدر .

چیچک بازارنده واقع باغچه دروننده مختارک کلبهسی آلت مخصوصه ایله آچهرق اشیاسنی سرقت ایلدیکی ادعا قلمسندن دولای جنایتله اتهام اولنان بک اوغلنده یکشهرده ساکن بایهلی قصاب نیقولی ولد شودوسک اوچ سنه مدته کورک قولسنه دائر درساعات جنایت محکمهسندن اعطا قاتان ۱۰۴ نومرولی اعلام محکمه تمیز جزا دائرهسنجه تصدیق ایدلشدر .

بورنازلی قریهسی اهالیسندن حسین بن محمدی قتل ایتسندن دولای جنایتله اتهام اولنان قریه مذکورلی بقال حسینک اون بش سنه مدته کورک قولسنه دائر سلاطینک ولایتی استیناف محکمهسی جزا دائرهسندن ویریلان ۳۵ نومرولی اعلام محکمه تمیز جزا دائرهسنجه تصدیق ایدلشدر .

اکیرونهلی پنايوط استواراج سوطیرنک انسانی قتلنده معاوننده بولدیغنی ادعا قلمسندن دولای جنایتله اتهام اولنان صاریجلی دیمتری ولد پنايوطک بش سنه مدته کورک قولسنه دائر مدلولو سنجانجی بدایت محکمهسی جزا دائرهسندن اعطا قاتان ۱۶۲ نومرولی اعلام محکمه تمیز جزا دائرهسنجه تصدیق ایدلشدر .

خلیل اوغلی عثانی الندن جرح ایدرک بیلکنک تعظینه سیبیت ویرمسندن دولای جنایتله اتهام اولنان راشد بن داودک اوچ سنه مدته کورک قولسنه دائر بیغا سنجانجی بدایت محکمهسی جزا دائرهسندن اعطا قاتان ۱۷ نومرولی اعلام محکمه تمیز جزا دائرهسنجه تصدیق ایدلشدر .

بیک اوچپوز اون سکر سنهسی تموزنیک اون دردنجی بازار کونی لغنهده صراف واحانک خانهسنه سرقت قصدیه بال دخول بوسرده مرقوم واحان ایله قومشوسی سرکزی جرح و قتل ایلدیکی اداسیله متهم بولان بوشده کزن طاقندن رفاهیهلی محمد بن مصطفی حقنده اجرا قاتان محاکمه نتیجهسندّه مرقوم مک مذکور خانهیه دخول و مرقومان ایله منازعه ایدرک هر ایکسنی جرح و قتل ایلدیکی شاهدلرک علی الدرجات واقع اولان شهاداتی وحضور مستطقده سبق ایدن اقراری وطیب رابوری مندرجاتیه ثابت اولدیغندن مرقومک اول وجهله بالتهور قتل فلانک

مدعی عمومیکنک ۲۶ نسان سنه ۳۱۶ تاریخلی تحریرایتله کوندیریلان ومغایر قانون اولدیغی بیایته ۱۵ اغستوس سنه ۳۱۶ تاریخلی تذکرهیه لفاً تودیع قاتان ۱۵ شباط سنه ۳۱۵ تاریخلی اعلام لیدی التدقیق صلاحیت مسئله قانونیهسنه تعلق ایدن اختلاف مذکور ایکی مستطق یمینه تحت ایتدیکی جهته کفیتک تدقیقه محکمه وظیفه دار اولیوب ذکر اولنان مستطقلرک مربوط بولندقلری بایه ولایتی هیئت اتهامیه سنجه فصل مسئله اولقی اقتضا ایدرک کوره قانونه مغایرتی ظاهر اولان اعلام مذکورک اصول محاکمات جزاییه قانوننک اوچپوز قرق یدنجی مادهسنه وعدلیه نظارت جلیلهسنگ ۱۸ تموز سنه ۳۱۷ تاریخلی ویتش ایکی نومرولی امر تحریریهسنه توفیقاً قضی لزومی اخبار و تذکره علیه جناب نظارت بهایسده دعوانک تعین مرجعی دخی طلب اولمشی اشعار ایدلش اولسنه وا کرچه ایکی مستطق یمینه عدم صلاحیته دائر وقوعولان اختلافک استینافاً مرجع رؤیت و تدقیق اوستطقلرک مربوط بولندقلری ولایت مذکور هیئت اتهامیهسی ایسهده ذکر اولنان مستطقلر طرفندن ویریلان قرار نامه اوزرینه مدت قانونیهسی طرفنده حق اعتراض استعمال اولغامسنه وجریان وقوعاته کوره جرمک محل وقوعه نسبتله اکل تحقیقات ابتدا ایشه باشلامش اولان ولایت مذکور مرکز مستطقلکه عائد بولدیغنی اکلشامسنه منی اصول محاکمات جزاییه قانوننک درت یوز اون سکرنجی مادهسنه تطبیقاً ولایت مذکور مرکز مستطقلکی قرار نامهسنگ دخی فسخیه اولوجهل تعیین مرجع دعوی اولقی اوزره اوراق مرقومهنک تبلیغ اولدیغنی بیان قلمشدر .

تدقیقات تمیزیه اجرا اولندقدّه نظارت جلیلهنک امر تحریریهسنه عطفاً تبلیغنامه محرر اعتراضات وارد ومستلزم نقض اسباب قانونیه به مستند بولدیغنه منی اصول محاکمات جزاییه قانوننک اوچپوز قرق یدنجی مادهسنه توفیقاً اعلام مذکورک وظیفه خارجنده ویرلسندن ناشی نقضنه وهر ایکی قرار نامهنک دخی فسخیه دعوانک ذکر اولنان مرکز مستطقلکنه حوالهسنه وایکی یوز غروش تمیز اعلامی خرجنک تحصیلنه ۲۱ کانون ثانی سنه ۳۱۷ تاریخنده قرار ویرلدی .

آزبورد کوبنده واپور اسکلهسندّه بقال یوانک دکاننه سرقت قصدیه لیلأ دخول ایتسندن دولای جنایتله اتهام اولنان رزی قوچلیسی بتلیسی میرزا ابن عثمانک اوچ سنه مدته کورک قولسنه دائر درساعات

فاعلی اولق اوزره مجرمته وقانون جزانک یوزیتش دردنجی مادهسنگ فقره اولاسی حکمنه توفیقاً اون بش سنه مدته کورک قولسنه محکمه جنایتجه ۲۳ تشرین اول سنه ۳۱۸ تاریخنده قرار ویرلشدر .

اورته کوبده واپور اسکلهسندّه توتونجی کر قورک دکانندن آلت مخصوصه استعمالیه سرقته جرأت ایلدیکی اداسیله متهم بولنان یانی ووردان ورضا وپنايوط و دیمتری حقارنده اجرا قاتان محاکمه وجاهیه وغایبه نتیجهسندّه متهملردن موقوف بولنان یانی ووردانک اول وجهله فعل مذکور جرأتلری اخبارات ودلائل وامادات ایله ثابت اولدیغندن مجرمیتلرینه وقانون جزانک ایکی یوز بکرمنجی مادهسنه توفیقاً بوناردن باینک اوچ بقی ووردانک اوچ سنه مدتلرله کورک قوللریسنه و رضا ایله فراری پنايوط و دیمترینک دخی برائتلیرنه محکمه جنایتجه ۲۶ تشرین اول سنه ۳۱۸ تاریخنده قرار ویرلشدر .

غلطهده طوغری بولده بالوزسرویتوری لوجیهنک قتلندن طولانی متهم اونوب مقدما بالحا که اعدامنه قرار ویریلان وانی راشد حقندن کی اعلام تمیزاً نقض واعاده قلمقندن ناشی مرقومک بوکره تکرار اجرا قاتان محاکمه وجاهیهسی نتیجهسندّه بالتهور فعل قتله مجاسرتی شاهدلرک علی الدرجات واقع اولان شهادات واخباراتی ومعاینه رابوری مندرجاتی ایله ثابت اولدیغندن اول وجهله مجرمته وقانون جزانک یوز یتش دردنجی مادهسنگ فقره اولاسی حکمنه توفیقاً اون بش سنه مدته کورک قولسنه محکمه جنایتجه ۲۶ تشرین اول سنه ۳۱۸ تاریخنده قرار ویرلشدر .

حیدر محلهسندّه ساکن اسماعیل افندیکنک زوجهمی خیریه خانمه اطاله لسان ایدن زنجیه جلیلهنک اوچکون حبسنه وآسیهدن یارم آلتون جزای نقدی آلتسنه

فاتح جامع شریفی حویلسندّه آشجیلیق ایدن محمدی ضرب وجرح ایدن شهر امیننده ساکن سلیمان بن عبداللهک برهفته حبسنه صیواحی کینورقک ساعتی سرقت ایلدیکی تحقق ایدن بیوکدرده دره ایچنده یورکینک خانهسندّه ساکن پنايوط ولد قسطنینک اوچ آی حبسنه وختام مدت جزاییهسندّه ضابطهجه کفالتله ربطه احمد شکری بکک خدمتکاری واسیلک صاقم سکودلی بویاجی یورکینی ضرب ایلدیکی ثابت اولدیغندن اون بش کون حبسنه

طاشچی طروسی ضرب و جرح ایدن نراسیونک
اون کون حبسنه
آق بیقلی فاطمه بنت احمدی ضرب ایدن فاطمه
بنت داود دن بر آلتون آلهرق مضروبہ اعطاسنه
عمر بن عبد اللهی ضرب ایدن کتبه دن فائق
افندی دن بر آلتون آلتوب مضروبہ اعطاسنه
محمدک قوندره لری سرق ایدن حق ابن عمرک
الهی آی حبسنه در سعادت بدایت محکمه سی جزا دأره -
لرنجه قرار ویرلشددر .

مخبریات انتباهیه

حما سنجانی بدایت محکمه سی جزا دأره سی
اعضای سابقه و لاحقہ سندن وجیه و محی الدین
و میخائیل عبده و جرجی ظریف و اعضا ملازمی
صالح افندیلرله وصال بک و سلیمان اغانک یولسر
و خلاف قانون معاملاتہ جرأت ایلدکری سوریه و بیروت
ولایتلری عدلیه مفتشکنجه اجرا قلنسان تحقیقاتی
حاوی اوراق مؤدا سندن اکلاشدیغندن محاکمه آلتنه
آلتلرینه عدلیه نظارت جلیله سندن مأذونیت و یریلرک
سوریه ولایتی استیناف محکمه سی مدعی عمومیلکنه
تبلیغات لازمه اجرا ایدلشددر .

اعلانات

ارضروم استیناف محکمه سی مدعی عمومیلکنه :
نامروان قضاسی اهلایسندن ویسل چاوش اوغلی
درویشی جرح و قتل ایلسندن دولای مظنون علیه
بولنان قضاء مذکورک شکرلی قریه سندن ابراهیم بن
شریفک فعل مذکورہ مجاسرتله فرار ایلدیکی
لدی التددیق اولباده کی اوراق تحقیقه مألندن
اکلاشلمش و حرکت واقعہ سی قانون جزانک یوز
یتشچی ماده سی حکمنی مستلزم افعال جنایه دن اوله
رق ارضروم استیناف محکمه سی جزا دأره سندن
محاکمه سی اجرا ایدلک اوزره جنایتله اتهامه قرار
ویرلش اولدیغندن مرقومک هرزه ده کوریلور ایسه
دردست ایله محکمه مذکورہ توقیفخانه سنه تسلیم ایدلمسی
لازم کله چکی بالجمله ضابطه عدلیه مأمورلرینک معلومی
اولمق اوزره اشبو اخذ و گرفت مذکره سی ارضروم
هیئت اتهامه سندن بالتتظیم اعطا قلندی .

تورتوم قضاسنک اغصار قریه سندن و شیخمرولی
عشیرتندن شریفک لیلاً خانه سندن معامله جبر و شدت
اجراسیله الی عدد لیرای عثمانی واون لیرا دکرندہ
اشیاسنی اخذ و سرق ایللرندن طولای مظنون علیه
بولنان اغوذ قریه لی طوفان و توتماج قریه لی شاکر
اوغلی محمد علی و خچوی سفلا قریه لی شاملک فعل
مذکورہ مجاسرتله فرار ایتدکری اولباده کی اوراق
دعوی مألندن اکلاشلمش و حرکتلری قانون جزانک
ایکی یوز اون سکرنجی ماده سی حکمنی مستلزم مواد
جنایه دن اوله رق ارضروم استیناف محکمه سی جزا
دأره سندن محاکملری اجرا قلنمق اوزره جنایتله
اتهاملرینه قرار ویرلش اولمقله مرقومونک هرزه ده
کوریلورلر ایسه دردست ایله محکمه مذکورہ توقیفخانه
سنه تسلیم ایدلملری لازم کله چکی بالجمله ضابطه عدلیه
مأمورلرینک معلومی اولمق اوزره اشبو اخذ و گرفت
مذکره سی ارضروم هیئت اتهامه سندن بالتتظیم اعطا
قلندی .

تجارت بحریه محکمه سندن :

بوغاز ایچنده یکی محله ده مقیم اتمکچی آترائیک
بویاجیانک ۲۶ تشرین اول سنه ۳۱۸ تاریخندن
اعتباراً اعلان افلاسنه و مصالح افلاسیه نک رؤیت
و تسویه سی ضمنتده اعضای محکمه دن عزتلو مارقار
افندی سنک ژور قومیسر و دعوی وکیللرندن اغوب
بحری افندی سنک موقت سندیک تعیینلرینه و مغازه سندن کی
اموالی ایله اشیای زائده بیتیه سنک تمهیرینه و اوراق
ودفاترینک جلبنه و کفالت ارأه ایدمه دیکی تقدیرده
حبس و توقیفنه و بوباده کی قرارک موقتاً اجراسنه
محکمه تجارت بحریه جه قرار ویرلش اولدیغندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنمق اوزره (۱۱ تشرین ثانی سنه
۳۱۸) بازار ایرتسی کونی ساعت یدی راده لرندہ
اصحاب مطلوبک محکمه مذکورہ نک افلاسه مخصوص
اولان اوطه سنه کللری لزومی اعلان اولنور .

ایکنجی تجارت محکمه سندن :

کلنکلیان خاننده مقیم پترول غازی تجارتندن
آغاتوقلی لاغودا کی طرفندن مقدما قیان دیقده غاز
دپوسنده پترول غازی تجارتیه مشغول ایکن الیوم
اقامتکاهی مجهول مائی « ق » سیمون اوغلی علیهنه
در سعادت ایکنجی تجارت محکمه سندن اقامه ایدیلان
افلاس دعواسی اوچیوز اون سکرنه سی تشرین
ثانی سنک طقوزنجی جمعه ایرتسی کونی ساعت آلتیده
فصل ورؤیت اولنه جغندن یوم و وقت مزبورده

مدعی علیه مرقوم سیمون اوغلنک بالذات محکمه
مذکورده حاضر بولنسی و یاخود مصدق سندله بر
وکیل کوندرمسی لازم کله چکی و شاید کلز و وکیل
کوندرمز ایسه حقنده معامله غیایه اجرا قلنجه
معلوم اولمق اوزره تنظیم اولنان دعوتیه ورقه سی
محکمه نک دیوانخانه سنه تعلیق اولندی کی اوراق
حوادث واسطه سیله دخی اعلان قلندی .

شایچی خاننده ساکن ایکن ایکنجی محکمه تجارتندن
افلاسنه حکم اولنش اولان تجارتدن خره لمییدی
و شرکاسنک خصوصات افلاسیه نک رؤیت و تسویه سی
ضمنتده دعوی وکیللرندن عزتلو خریسانطوس
طومایدیس و حسن پرتو و چیونجی اوغلی بدوساکی
افندیلر اصالة سندیک تعیین قلنمش اولدقلرندن
مفلس مرقوم ذمنتده آله جنی اولنلرک قانوننامه
تجارتک ۱۹۹ و ۲۰۰ نجی ماده لری موجبجه تحقیق
دیون ایچون سنداتی محکمه کاتبه تسلیم ایللری
ومدت مذکورہ ختامندن صکره اوچ کونده یعنی
اوچیوز اون سکرنه سی تشرین ثانی سنک اون سکرنجی
بازار ایرتسی اون طقوزنجی صالی یکرمنجی چهارشنبه
کونلرندہ ایکنجی محکمه تجارتک افلاسه اوطه سنه
کلرک سندیک افندیلر مواجهه سنده آله ققلرینی اثبات
وقید و تصدیق ایتدیرملری و مدت مذکورده اثبات
وجود ایدمه میان آله جقلولر حقده قانون مذکورک
۲۱۰ نجی ماده سنه توفیقاً معامله اولنه جنی اعلان
اولنور .

بک اوغلی بدایت محکمه سی اجرا دأره سندن :

عزتلو نوآد بکک کر قورمانوقیان افندی یه با اعلام
محکوم به دینک تسویه سی ضمنتده بشکطاشده تشویقه
محله سنده نشان زقاغنده درت نومرولی عرصه ده
متصرف اولدینی ثلک حصه شایعه سی لدی المزایده
آلتون آچه اوچییک الی یوز غروش والی نومرولی
عرصه نک دخی کذلک ثلک حصه شایعه سی اوچییک
الی یوز غروش بدل ایله طالبی عهده سنده تقرر
ایتمش اولمقله تاریخ اعلانندن اعتباراً اوتوز برکون
ظرفنده یوزده بش ضمیله طالب اولانلرک بک اوغلی
بدایت محکمه سی اجرا دأره سنه مراجعت ایلملری
واوتوز برنجی کونی دخی قرار داده سی کشیده اولنمق
اوزره ساعت اوچ راده لرندہ مذکور عرصه لر
بیشکاهنده حاضر بولملری اعلان اولنور .